

Immikkoortortaqarfiup aqqa aamma angerlarsimaffia

§ 1. Immikkoortortaqarfiup aqqa: Maniitsumi Sulinermik Inuussutissarsiuteqartut Peqatigiiffiat.

Naalisarlugu: **M.S.I.P**

§ 2. Immikkoortortaqarfiup angerlarsimaffia: Peqatigiiffiup najugaqarfingaa , M.S.I.P , postbox 73 , 3912 Maniitsoq .

§ 3. Immikkoortortaqarfik Sulinermik Inuussutissarsiuteqartut Kattuffiannut (SIK) ilaavoq.

Siunertaq suliassallu

§ 4. Immikkoortortaqarfiup siunertaraa suliassaralugillu suliffeqarfinti sulisut sinnisaat suleqatigalugit

- Immikkoortortaqarfiit allat SIK-llu ingerlatsivii allat, soorlu SIK-p allattoqarfia, kingunissalimmik suleqatignerisigut ilaasortanut iluaqtissiinissaq.
- Sulisartut aamma lærlingit/ilinniartut sumiiffimiittut tamaasa ataatsimoortissallugit akissarsiatigut atorfegarnikkullu atugassarisanik pitsaasunik kiisalu sullivinni suliffeqarnikkut avatangiisinik toqqisisimanartunik angusaqarumalluni.
- Isumaqatigiissutit inatsisillu atuuttut – soorlu sullivimmi avatangiisit pillugit – illoqarfimmi/nunaqarfimmi suliffeqarfinti eqquutsinneqartarnissaat sulissutigissallugu.
- Ilasortat suliffeqannginnerisa napparsimanerisalu nalaanni pisariaqartitaminnik ikiorneqartarnissaasa sulissutiginissaat.
- Sulisartut peqatigiinneranni kammalaatigiinnerannilu katersuuffiussalluni.
- Ilasortat pisinnaatitaaffii pillugit siunnersortassallugit.
- Suliffinti isumaqatigiinnginnerni, soorlu inunnut aalajangersimasunut tunngatillugu suliassani ilasortat akuufigisaanni, ilasortat soqutigisaannik SIK-p allattoqarfia suleqatigalugu illersuissalluni.
- Illoqarfimmi/nunaqarfimmi suliffinti sulisut sinnisaannik qinersisarnissaq qulakkiissallugu, aammalut sulisut sinnisaasa qinerneqartut aqqinik SIK-p allattoqarfianut ilisimatisissuteqartassalluni.
- Sulisut sinnisaasa suliaat pillugit sulisitsisunik isumaqatigiissutit malinnejarnissaat qulakkiissallugu.
- Illoqarfimmi / nunaqarfimmi suliffinti sulisitsisut sulisut atugarisaat pillugit qanimut suleqatiginiassallugit.
- Suliffinnik nutaanik pilersitsiniarnerit tapersersussallugit oqallinnernilu tamatumunnga tunngasut eqeersimaarfigalugit peqataaffigissallugit.

Ilaasortat

§ 5. Ilaasortanngortinneqarsinnaapput kikkuugaluartulluunniit SIK-p malittarisassaani § 3-mi piumasagaatinik naammassinnittut.

§ 6. Ilaasortangorneq pissaaq immersugassamik immersuinikkut atsiuinikkullu. Ilaasortaajunnaarneq imaluunniit allannguit taamatuttaaq nalunaarutigineqassapput.

Imm. 2. Ilaasortat nutaat immikkoortortaqarfip sulinera pillugu paasissutissinneqartarnissaannut siulersuisut akisussaapput.

Ataatsimeersuarneq

§ 7. Ataatsimeersuarneq tassaavoq immikkoortortaqarfimmi oqartussaasoq qullerpaaq.

Imm. 2. Ileqquusumik ataatsimeersuarneq ukiut marlukkaarlugit ingerlanneqartassaaq marsip qaammataa naatinnagu kingusinnerpaamillu ulla 14-it sioqqullugit najukkami atuagassiatigut nittarsaanikkut, taamaat-toqarpat, kiisalu illoqarfip/nunaqarfip allagarsiiviisigut kiisalu suliffeqarfinni allagartaliilluni ilimasaaru-teqarnikkut ataatsimeersuari toqqusisoqartassalluni.

Imm. 3. Ataatsimeersuarnermi oqaaseqarsinnaatitaasut taasisinnaatitaasullu tassaapput ilaasortat ilaasortaanermut akiliuteqarsimasut tamarmik. Pisinnaatitsissuteqarluni imaluunniit allakkatigut taasisoqarsinnaanngilaq.

Imm. 4. Ataatsimeersuarnerup aallartinnerani ilaasortat takkuttut tamarmik immikkut taaseqataasinnaanermut tunngasunik pisinnaatitaaffii qulakkeerniarlugit upternarsarneqassaaq.

§ 8. Ileqquusumik ataatsimeersuarnermi ullormut oqaluuserisassat ikinnerpaamik makkuninngia maqsapput:

1. Ataatsimeersuarnermi aqutsisussamik imaqrniliortussamillu toqqaaneq
2. Siulersuisut nalunaarutaat
3. Naatsorsuutnik kukkunersiukkanik ilisimatitsissutitut saqqummiussineq
4. Siunnersuutit takkuttut
5. Ilaasortaanermut akiliutip aalajangersarneqarnera
6. Missingersuutit akuerineqarnerat
7. Siulersuisunut qinersineq
 - a) Siulittaasussamik qinersineq
 - b) Siulittaasup tullianik qinersineq
 - c) Allatsimik qinersineq
 - d) Siulersuisunut ilaasortassanik sisamanik qinersineq, sinniisussallu marluk
8. Taasariaqartut allat

§ 9. Ilaasortat immikkoortortaqarfimmut atassuteqartut tamarmik siulersuisunut qinigaasinnaapput.

§ 10. Siunnersuutit ataatsimeersuarnermi eqqartortikkusutat siulersuisunit tiguneqareersimassapput ataatsimeersuarnissaq kingusinnerpaamik ullunik 8-nik sioqqullugu. Ilaasortat § 7 imm. 3 naapertorlugu oqaaseqarsinnaatitaallutillu taasisinnaatitaasut tamarmik siunnersuutinik taamaattunik saqqummiussisinnaapput.

§ 11. Ataatsimeersuarnermi nalinginnaasumik amerlanerussuteqarnikkut aalajangersaasoqartassaaq, malittarisassani allamik allassimasoqanngippat. Taasinerit naligiippata siunnersuut peerneqassaaq; taamaattorli inummik qinersineq ingerlanneqarpat qinersisoqqissaaq. Qinerseqqinnermi taasinerit naligiippata makitsinikkut qinersineq ingerlanneqassaaq.

Imm. 2. Allalluni taasinerit ingerlanneqartassapput, tamanna ataatsimiinnermi peqataasumit – ataatsimit – kissaatigineqarpat, kiisalu siulersuisunut qinigassangortittut siulersuisuni ilaasortanit amerlanerit qinigassangortippata.

§ 12. Ataatsimeersuarnermi SIK-p malittarisassaanut immikkoortortaqarfiullu nammineq malittarisassaanut akerliusunik aalajangiisoqarsinnaanngilaq, aalajangiinerillu pisassapput SIK-p ataatsimeersuarnerani imaluunniit nakkutilliisoqarfimmi siulersuisuunerniluunniit aalajangiinerit ataqqillugit.

§ 13. Ataatsimeersuarnermit imaqarniliaq SIK-p allattoqarfianut nassiunneqassaaq kingusinnerpaamik ataatsimeersuarnermit sap. ak. 3 qaangiutsinnagit.

Immikkut ittumik ataatsimeersuarneq

§ 14. Immikkut ittumik ataatsimeersuartoqarsinnaavoq siulersuisuni amerlanerussuteqartut tamanna pisariaqtutut isigippassuk imaluunniit sulisut sinnisaasa pingajorarterutaasa ilaasortalluunniit pingajorarterutaasa atsiornermikkut tamanna piumasarippassuk. Piumasarineqartoq ullormut oqaluusisassatut siunnersuummik ilaqtinnejassaaq.

Imm. 2. Immikkut ittumik ataatsimeersuarneq ingerlanneqassaaq tamatuminnga piumasaqarnerup siulersuisunit tiguneqarneranit kingusinnerpaamik sap. ak. 3 qaangiutsinnagit.

Imm. 3. Immikkut ittumik ataatsimeersuariaqqusisoqassaaq sivikinnerpaamik ullut 14-it sioqqullugit najukkami atuagassiatigut nittarsaanikkut, taamaattoqarpat, kiisalu illoqarfiup/nunaqarfiup allagarsiiviisigut kiisalu suliffeqarfinni allagartaliilluni.

Imm. 4. Immikkut ittumik ataatsimeersuarnermi siulersuisunut qinersisoqarpat qinersineq ileqqusumik ataatsimeersuarnissap tulliuttup tungaanut atutissaaq.

Imm. 5. § 9 aamma §§ 11-13 taamatuttaaq atorneqassapput immikkut ittumik ataatsimeersuarnermi.

Ilaasortat ataatsimiinnerat

§ 15. Ukiuni ataatsimeersuarfiunngitsuni ilaasortanik ataatsimiisitsisoqartassaaq. Ataatsimiinneq marsi naatinnagu pissaaq, sivikinnerpaamillu ullunik 14-inik sioqqullugu ataatsimiigiaqqusisoqassaaq najukkami

atuagassiami, taamaattoqarpat, nittarsaanikkut kiisalu illoqarfiup/nunaqarfiup allagarsiiviisigut suliffeqarfinnilu allagarsiinikkut.

Imm. 2. Ilaasortat ilaasortanut akiliummik akiligassiissutaasimasumik akiliisimasut tamarmik ilaasortat ataatsimiinneranni oqaaseqarsinnaatitaallutilu taasisinnaatitaapput. Pisinnaatitsissuteqarluni imaluunniit allakkatigut taasisoqarsinnaanngilaq.

§ 16. Ilaasortat ataatsimiinneranni ullormut oqaluuserisassat ikinnerpaamik makkuninnga imaqassapput:

1. Ataatsimiinnermi aqutsisussamik imaqarniliortussamillu toqqaaneq
2. Siulersuisut nalunaarutaat
3. Naatsorsuutinik kukkunersiukkanik ilisimatitsissutitut saqqummiussineq
4. Siunnersuutit takkuttut
5. Ilaasortaanermut akiliutip aalajangersarneqarnera
6. Missingersuutit akuerineqarnerat
7. Taasariaqartut allat

§ 17. §§ 10-13 taamatuttaaq atorneqassapput ilaasortat ataatsimiinneranni.

Siulersuisut

§ 18. Siulersuisut immikkoortortaqarfiup ulluinnarni aqunneqarneranut akisussaasuupput, pisussaallutilu immikkoortortaqarfik SIK-p malittarisassai immikkoortortaqarfiullu nammineq malittarisassai naapertorlugit aqussallugu, soorlu siunertat suliassallu § 4-mi taaneqartut sulissutigineqarnerat qulakkiissallugu. Taamattaaq siulersuisut malissavaat SIK-p ataatsimeersuarnerani, nakkutilliisoqarfiani siulersuisuunerinilu aalajangiinerit kiisalu immikkoortortaqarfiup ataatsimeersuarnerani aalajangiinerit.

§ 19. Siulersuisut namminneq ulluinnarni suleriaasissartik aalajangersaavigissavaat, siulersuisut akornanni suliassat aalajangersimasut agguataarnissaannik minnerpaamik ilaqaqtussaq, kiisalu siulersuisut ataatsimiit-tarnissaannut sulisullu sinnisaannik ilaasortanillu ataatsimeeqatiginnittarnissamik pilersaaruteqassallutik.

Imm. 2. Siulersuisut aalajangiisinnaassuseqarput siulersuisuni ilaasortat ikinnerpaamik sisamat peqataagaangata. Taasinerit naligiippata siulittaasup taasinera aalajangiisuussaaq. Siulittaasup peqannginnerani siulittaasup tulliata taasinera aalajangiisuussaaq.

Imm. 3. Siulittaasoq immikkoortortaqarfiup ingerlanneqarneranut akisussaasuni qullersaavoq, siulersuisulli aalajangererisigut tamanna siulersuisuni ilaasortamut allamut akisussaaffittut tunniunneqarsinnaalluni.

Imm. 4. Immikkoortortaqarfiup ulluinnarni allaffissornikkut ingerlanneqarnera pillugu siulersuisut pisari-aqartunik aalajangiisassapput, tamatumani aamma allaffimmi sulisunik atorfinititsinerit soraarsitsinerillu pillugit aalajangiinernik.

Imm. 5. Siulersuisunut ilaasortat allaffimmilu sulisut ajunngitsorsiassaat akissarsiaqartinneqarnerallu missingersuusiami ataatsimeersuarnermi imaluunniit ilaasortat ataatsimiinneranni akuersissutigineqartumi allassimassapput.

Imm. 6. Ulluinnarni aqutsisut tassaapput: Siulittaasoq , siulittaasup tullia allatsilu.

§ 20. Siulersuisut ataatsimiinnerannit imaqarniliaq SIK-p allattoqarfianut nassiunneqassaaq ataatsimiinnerup kingorna kingusinnerpaamik sap. ak. 3 qaangiutsinnagit.

§ 21. Siulersuisunut ilaasortaq Naalakkersuisunut ilaasortatut toqgarneqaruni imaluunniit borgmesteritut qinigaaguni siulersuisunut ilaasortaajunnaassaaq.

Imm. 2. Siulersuisunut ilaasortaq politikkikut suliaqarnini pissutigalugu allamilluunniit pissuteqarluni siulersuisunut ilaasortatut suliassaminik isumaginnissinnaajunnaartutut naliliiguni, taanna siulersuisunut ilaasortaajunnaarniarluni aalajangersinnaavoq.

Tamanna taamaallaat piffissamut killilimmut atuuppat, pineqartoq sulinngiffeqarallarnissamut akuerineqaannarsinnaavoq. Sulinngiffeqarallarnissamut akuerineqartoq siulittaasup tullia sulinngiffeqarallernerup nalaani siulittaasutut atuutissaqq. Sulinngiffeqarallarnissamut akuerineqartoq siulittaasup tullerippagu, siulersuisut aalajangissapput siulersuisunut ilaasortaq sorleq sulinngiffeqarallernerup nalaani siulittaasup tulliatut atuutissanersoq. Sulinngiffeqarallarnissamut akuerineqartoq siulersuisunut ilaasortaappat siulittaasuungitsoq imaluunniit siulittaasumut tulliunngitsoq, siulersuisut aalajangersinnaapput sinniisussamik siulersuisunut ilaasortangortoqassasoq sulinngiffeqarallernerup nalaani atuuttussamik, qinersinermi § 8-mi nr. 7-im i taaneqartumi taaneqarnerpaasimasumik.

Imm. 3. Siulersuisunut ilaasortaq immikkoortortaqarfip aningaasaataanik atornerluisimasoq siulersuisunut ilaasortaajunnaarsinneqarsinnaavoq. Aningaasanik atornerluisimaneq ilaasortaajunnaarsitsinissaq pitinngu kattuffiup kukkunersiuisuanit upternarsarneqassaaq. Aammattaq ilaasortaajunnaarsisoqarsinnaavoq siulersuisunut ilaasortaq paasissutissanik allagaatinilluunniit immikkoortortaqarfimmut ajoqtaasumik atorneqarsinnaasunik siulersuisunit akuerineqarnani ingerlatitseqqisimappat.

Imm. 4. Imm. 1-3-mi taaneqartutut pisoqarnerani siulittaasoq siulersuisunut ilaasortaajunnaarpat siulittaasup tullia siulittaasunngussaaq ileqquusumik ataatsimeersuarnissami tulliuttumi siulittaasumik nutaamik qinersinissap tungaanut. Taava siulersuisut siulittaasup tullianik nutaamik qinersissapput. Tamatum peqatigisaanik siulersuisuni sinniisussaq qinersinermi § 8-mi nr. 7-im i taaneqartumi taaneqarnerpaasimasoq siulersuisunut ilaasortatut atuutilissaqq.

Siulersuisut aalajangersinnaapput periaaseq qulaani taaneqartoq atornagu immikkut ittumik ataatsimeersuariaqquisoqassasoq piaarnerpaamik siulittaasussamik nutaamik qinersinissaq siunertalaralugu.

Imm. 5. Imm. 1-3-mi taaneqartutut pisoqarnerani siulittaasup tullia siulersuisunut ilaasortaajunnaarpat siulersuisut siulittaasup tullianik nutaamik qinersissapput siulersuisunut ilaasortat akornannit. Tamatum peqatigisaanik siulersuisuni sinniisussaq qinersinermi § 8-mi nr. 7-im i taaneqartumi taaneqarnerpaasimasoq siulersuisunut ilaasortatut atuutilissaqq.

Imm. 6. Imm. 1-3-mi taaneqartutut pisoqarnerani siulersuisunut ilaasortamik siulittaasuunngitsumik imaluunniit siulittaasumut tulliunngitsumik siulersuisunit tunuartoqarpat siulersuisuni sinniisussaq qinersinermi § 8 nr. 7-im i taaneqartumi taaneqarnerpaasimasoq ilaasortangussaaq. Sinniisussat arlallit amerlaqatigiinik taaneqarsimappata, imaluunniit sinniisussat taasinertaqanngitsumik qinigaasimappata, kina siulersuisunut ilaasortangussanersoq makitsissutigineqassaaq.

Aningaasaqarneq, naatsorsuutit aamma kukkunersiuineq

§ 22. Immikkoortortaqarfiup ukiumoortumik naatsorsuutaasa qaammatisiutit ukiuat malissavaat.

Imm. 2. Siulersuisut immikkoortortaqarfiup naatsorsuutai akuersissutigissavaat, taakkulu tamatuma kingorna ilisimatitsissutitut ataatsimeersuarnermi imaluunniit ilaasortat ataatsimiinneranni saqqummiunneqassapput. Naatsorsuutit kukkunersiuisumit SIK-p ataatsimeersuarnerani qinerneqarsimasumit kukkunersiorneqartassapput.

Imm. 3. Peqatigiiffiup naatsorsuuserissunneqarnera SIK-p allattoqarfiani naatsorsuuserisumit ingerlanneqassaaq, taanna aammattaaq peqatigiiffiup kontuinut netbankikkut isersinnaanermut akuersisummik peqartussaalluni. SIK-p allattoqarfiaata qaammatit tamaasa naatsorsuutinut allattukkat anillatsillugit immikkoortortaqarfimmut nassiuttassavai.

§23. Ataqqinaammik ilaasortat

Imm.1. Ataqqinaammik ilaasortangortitsinissamik siunnersuuteqartoqarsinnaavoq .

Ataqqinaammik ilaasortangortitsineq makkuninnga tunngaveqartassaaq :

- a) Ataqqinaammik ilaasortangortinniarneqartoq sulifimmini aalajaalluni sulisimassaaq.
- b) Ataqqinaammik ilaasortangortinniarneqartoq inuttut nammineq malunnaatilimmik peqatigiiffimmi suleqataasimassaaq.

Imm.2. Ataqqinaammik ilaasortangortitsineqassaaq siunnersuutigineqartoq siulersuisunit amerlanerussuteqartunit isumaqataaffigineqarpat aammalu ataqqinaammik ilaasortangortitsisinnaanermut pissutaasunik imm. 1-mi taaneqartut arlaannik pineqartoq naammassinnissimappat.

Imm.3. Ataqqinaammik ilaasortaq ilaasortaanermut akiliuteqartinneqassanngilaq.

Imm.4. Ataqqinaammik ilaasortaq ataatsimeersuarnermi aaliangikkamik ukiumut ataasiartumik ataqqinaatisiaqartinneqassaaq december-mi tunniunneqartartussamik 2000 kr. Taannalu akileraaruserneqassaaq. (Tamanna angissusilerneqarpoq 1994-mi ataatsimeersuarnermi)

Imm.5. Ataqqinaammik ilaasortat ilaasortatut allatulli pisinnaatinneqarput.

Imm.6. Ataqqinaammik ilaasortaq ataatsimeersuarnermi najuussinnaavoq oqaaseqarsinnaalluni taaseqataasinnaallunilu.

Imm.7. Ataqqinaammik ilaasortaq siulersuisunut ilaasortaasinnaanngilaq.

Imm.8. Ataqqinaammik ilaasortaq ilaasortatut allatuulli ataqqinaammik ilaasortaanerminit tunuartinneqarsinnaavoq.

Atsiornissamut maleruaqqusat aningaasanut akisussaassuseqarneq

§ 24. Immikkoortortaqarfik sinnerlugu atsiorsinnaatitaavoq siulittaasoq aamma ikinnerpaamik siulersuisuni ilaasortaq ataaseq. Taarsigassarsiaqarnermi aamma illuutigisamik tunisaqarnermi pisinermilu imaluunniit qularnaveeqquissinermi peqatigiiffik sinnerlugu siulersuisunut ilaasortat tamarmik atsioqataassapput.

/mm. 2. Immikkoortortaqarfimmut ilaasortat immikkoortortaqarfiup pisussaaffigilersimasaanut inuttut ataasiakkaatut pisussaaffilerneqarsinnaanngillat.

Malittarisassanik allanngortitsineq

§ 25. Malittarisassat taamaallaat ataatsimeersuarnermi 2/3-mik amerlanerussuteqartunit allanngortinne-qarsinnaapput, tassani allanngortitsinissamut siunnersuut ullormut oqaluuserisassani allassimassalluni. Malittarisassat taakku minnerpaamik imaqassapput aalajangersakkanik immikkoortortaqarfiit malittaris-saanni nalinginnaasuni SIK-p ataatsimeersuarnerani akuersissutigineqarsimasuni allassimasunik.

/mm. 2. Malittarisassanik allanngortitsinerit ataatsimeersuarnermi akuersissutigineqarnerminnit atuutilis-sapput.

Immikkoortortaqarfimmik atorunnaarsitsineq

§ 26. Immikkoortortaqarfimmik atorunnaarsitsineq taamaallaat ataatsimeersuarnermi pisinnaavoq, tassani atorunnaarsitsinissaq ullormut oqaluuserissani allassimassalluni, ataatsimeersuarnermilu peqataasut 2/3-isa siunnersuut akuerippassuk.

/mm. 2. Atorunnaarsitsinermi immikkoortortaqarfik akiitsoqarpat taakku akiligassaqarfinnut akilerneqassapput. Pigisat sinneruttut, tassunga ilanngullugit allattaaviiit protokolit, imaqarniliat il.il., SIK-p allattoqarfianut tunniunneqassapput.

Ataatsimeersuarnermi akuersissutigineqartut ulloq :



Elisabeth L. Hansen

Siulittaasoq:



Indeborg Jakobsen
Siulittasup tullor



Hans Heilmann

Allatsi:



Marie Heilmann
Siulersuisunut ilaasortaq:



Eva Lyberth
Siulersuisunut ilaasortaq:



Gundel E. Petersen
Siulersuisunut ilaasortaq:



Miki K. Levisen
Miki K. Levisen
Siulersuisunut ilaasortaq: